





AD. AMPLISSIMVM.

CARDINALEM. DE. RVVERE.

ORATIO

DE. REP. ORDINANDA.

D. Seraphini . Ghirardi . Can. Reg. S. Petri.
ad . Vincula .

R O M A E : habita . Idib. Maij.
∞. D. LXXXIIX.



Οὐδὲν Βιβλιόγραφον .




R O M A E

Apud Haeredes Antonij Bladij Typographos Camerales.

M. D. LXXXIIX.

Superiorum Permissu.



Bibliotheca Domus Romanæ Pauperum
Matris Dei Scholarum Piarum.

AD. AMTILISSIMVM

CARDINAL M. DE BAYLE.

ОТДЯО

DE. REP. ORDINADA.

D. scaphium, Ghiesb. Cat. Reg. 2. 1711.
24. Virens.

W. H. V. L.

... ..

2014年12月



AMPLISSIMO. S. R. E.

CARDINALI. HIERONYMO.

DE. R. V. V. R. E.

SERAPHINVS. GHIRARDVS. CLIENS.

in exilio.



PARVOS parua decent, Illustrissime Princeps; & in paruis quies. magna splendorem habent, sed cura curam trahit. animus enim occupationibus implicatus grauioribus, & quasi constrictus, distrahitur varietate ipsa rerum, & ancipiti cura cogitandi. quare, cum se aliqua ex molestia emeruisse credit, & laetatur; tum vero, aut eadem rursus obruitur, aut alia inexpectata & repentina, deinde alia atque alia. ita fit, vt, cum neutrum genus hominum id assequatur, quod est omnibus partibus absolutum & perfectum: sit tamen eiusmodi quiddam in vtrisque, in quo alteri alteris non inuideant. quae si firma satis duo sunt, vt mihi est persuasum; nec inferioris generis homines poenitere suae debet conditionis; & clarissimi è contrario excellentissimiq. viri, suis interim se libenter finibus amplissimis continebunt. quod si quando tempus inciderit, vt, illis offerant aliquid, grati ani-



ti animi sui declarandi gratia, tenuiores: non, quid
detur, summi viri spectabunt; sed, in re parua, la-
tere vim posse magnam amoris considerabunt. in
donis amorem autem parui pendendi non solere, nisi
qui neminem amat, negat nemo; unde unde pro-
ficiscatur. quamobrem, nec ille Xerxes oblatum à
rustico pomum, rem puerilem, est aspernatus;
quod cerneret, eius cortice, vir prudens, nescio
quid occultari, pomo longè praestantius, dignum
rege. Haec longius ducta quò euadant, faciam pau-
cis, vt intelligas. scripsi de rep. ordinanda nuper
orationem, quomodo potui. eam, cuperem, no-
mine insignitam tuo, legi, efferri foras, in manus
hominum peruenire. at, quae ratio me eò perdu-
cat, praeter eam quam dixi, non dispicio: esset e-
nim omnino (nisi planè sum plumbeus) aut de re
mihi dicendum, aut de persona: vtrumuis sum-
psero, aqua haeret: & nihil est tertium. quid igitur
ornem illam ipse consonum non videtur: &
vt habeat laudem, aquila non capit muscas. de au-
ctore idem iudicium, vt potè in quo neque inge-
nium admiretur, neque doctrinam, neque elegan-
tiam: ita erit coniunctum ab vtroque silentium.
Tu ergo restas vnus, cum aliunde nihil succedat,
nobilissime Princeps, ad quem postremo conuer-
tam orationem: id vero auget rei multò etiam ma-
gis difficultatem. nam, ne principium inueniam,
vires exiguae aetate, ne finem atque exitum, tuac
sunt

sunt illustres & plurimae virtutes impedimento,
itaque totam etiam hanc partem non inuitus relin-
quam: ob eam quidem causam iustissimam, & ve-
rissimam; quod, de rebus meis, tenuitas; de tuis,
ne dicam; nimia faciat amplitudo earum atque
magnificentia. Qui sis tu; quo patre, auctore, ma-
ioribus: quae emineas origine stirpis; quam insigni,
quam vetusta: quos item ortus habeas, incremen-
ta, gradus tum virtutis; tum commendationis ad
hominum famam nobilitatis; eaque ipsa, quam
incorrupte usque ad hoc tempus continuata per-
manferit: & Roma frequentia sua conatur osten-
dere; & illi explicabunt scriptores copiosissime, qui
Summos Pont. vestros, qui Cardinales octo, qui
sex Urbini admirabiles Duces recensuerunt: non e-
go, cui est propositum; & vero esse debet; episto-
lam texere, non scribere historiam. meum illud
praecipuum fuerit munus, eum obseruare, reue-
reri, beatissimum velle, in re sacra meminisse vi-
rum, qui à paruis, qui vir inter viros, qui hoc
flexu aetatis; ad pietatem omnia, ad rationem iu-
uandi, ad ingenij quasi culturam, ad posteritatis
immortalitatem reuocarit; secutus gentilium suo-
rum pulcherrima, ut res loquitur, & confessione
omnium, antiquissima instituta. adde, cui tantum
ipse priuatim debeo; quantum, qui antè opinione
multorum sepultus; eo primum vocante, & in-
stante, & clamante, reuixerit. sic igitur faciam:
quamq.

quamq. semel mea voluntate suscepi mentem Venetijs, in ea manebo, tibi vt sim probatus, & perfistam. & quando ita accidit, vt, apellatione sua glandes, fructus omnes comprahenderent: quorum, hos in Canonicos, vberem copiam transfuderunt: non aliam (nos certè) vnquam *ἄλλοτε*, dum vita erit, non aliam arborem excutemus. Interea, ne hospitio excludatur haec oratio mea, oro te, per hunc tuum sensum excellentem humanitatis, tributum paucis à natura, tibi parente, multis nouerca: rem ne species, rogo, te indignam, vulgarem, leuissimam: sed, cum parua paruis apta sint, pro certo crede, me, patrono meo maiora quaerentem, quod potuerim munus, de meis bonis, beneuolo animo confecisse. Tu me inuicem vt aues, non postulo: vt diligas, fortasse. si esse de tuis aliquem patieris, gratissimum erit. Vale. Deus tibi quod superest. Romae, ex aedibus tuis S. Petri ad Vincula, incunte Maio. 1588.

ORATIO



IND E M aliquando, P. C. faustus
 ille optatusque dies illuxit, prae-
 potentis DEI munere singulari
 ac voluntate; cum vos in Urbem
 omnes visitato more conuocati,
 Pontifici Maximo praesentes o-
 stenderetis, quantum, in huius
 ordinis consilio esset veteris inno-
 centiae; quantum, secundo loco etiam interioris eru-
 ditionis. quo à vobis utroque, ut apparet, honorifice de-
 monstrato: & patuit Romanis hominibus vestra virtus
 atque industria; & integrum fuit optimo cuique praece-
 rea constantissimoq; ciui, remp. suo pristino more defen-
 dere: ac mihi quidem minime dubium erat, singulis pro-
 pè horis, vestra de fide & prudentia cogitanti; quin, ad
 eum exitum comitia perducerentur nostra, quem habue-
 runt: sed, si casu forte accidisset, ut, contra quàm voluis-
 setis, ab religione officij declinatum fuisset; quod secus
 humanis in rebus vix esse potest: ingenuè confitebor,
 ne quid interea caperet detrimenti summa resp. perti-
 mescebam. qui quoniam metus inanis fuit, lactor hoc
 tanto bono mirandum in modum, incredibilemque ea de
 causa percipio, vnà cum his, quos libenter intueor, am-
 plissimis viris, itemque sapientissimis, voluptatem ne-
 gari enim potest nullo pacto, Illustrissimi Principes, eo-
 rum esse magnam in vita communi habitam laudem sem-
 per atque praestantem; qui, quauis in procuratione mu-
 neris publici sic omnia temperarent, ut, nec prima ex-
 tremis, & medijs, nec ista, rursum, immoderata, repu-

gnarent illis vtrisque superioribus. quod si hoc ferret rerum humanarum conditio fluxa nimium & incerta, vt, quod quisque est excellens aliquo in genere laudis consecutus, id suum esset perpetuo ac proprium; nae ego vobis, Patres, quàm feci, libentius multò in praesens, & vehementius gratularer. quis enim omnium non cernit, atque adeò expertus est, acquirendi persaepe viam proponi hominibus planam & stabilem; conseruandi, ex aduerso, praecipitem ferè semper eandem, & lubricam? quò etiam acrius in eo euigilabunt curae & cogitationes vestrae; ne, ea praeclarè quae decreuistis ad communem vtilitatem, suam amittant vim, suum pondus, consequentibus annis. etenim, quid profuerit, quid etiam habuerit dignitatis, optimis videre atque gratissimis informam remp. legibus: si haec ipsa bene, iustè, gloriosè viuendi praecepta, cum egregia, tum saluberrima, aut licentia despiciantur? aut negligentia obsolescant? aut improbitate peruertantur? ego quidem, quod hominis Christiani est, verissima fide, spe, charitate imbuti; quae improbanda sint, quae persequenda, cum exposuero vobis, his audientibus Ecclesiae firmamentis; nec rem suscepero non dignissimam cognitione, non vtilissimam, non hoc tempore necessariam; & officio me simul arbitrabor cumulatè meo satisfecisse, itaque dicam non grauatè hodie: no die, vnde mihi placeat exoriri, quoq; modo ordinandam ego putem eam remp. quae sit immortalis futura atque aeterna; nullumq; sensura interitum alium & occasum, nisi eum ipsum vltimis saeculis, quem haec scilicet etiam subiecta oculis rerum caducarum natura. Ac mihi sanè tota haec ratio videtur duabus potissimùm rebus contineri. vna est, eximia omnium nostrum in Deum pietas: altera, par integritas eius viri, quem esse reliqui ciues in hac familia voluerint antè alios, clarissimum & praestantissimum. Vnde enim potius, obsecro, duci oportet

teat aedificandae quodam modo reip. initium, quàm à pietate ipsa Christiana, honestissimae cuiusque actionis fundamento; & eadem insuper, summa cumuloque virtutum? hanc sicut Dei bonitate nobis oblatam, quem nulus error attingit, persuasum habent, rectè de fide qui sentiunt, nostrae causae salutis; non inuentam hominum artificio: sic illa, nec vi infringetur vlla externa, nec dissoluetur pestiferae doctrinae telis venenatis, nec venire, potest in obliuionem immensitate saeculorum. quare, cum nullum sit nomen penitus, praeterquam Christi Iesu, unde sperare liceat salutem hominibus, aeternaeq. vitae domicilium: ipse autem idem Christus in crucem actus, Ecclesiam Catholicam aedificarit; profectò quidquid imposueris aliud huic aedificio, si minus nitatur hoc solo; vndecunque illud acceptum fuerit, labatur propediem; & corruat, necesse est. Enimuero si fortissimi olim peritissimiq. duces, non nisi facto sacrificio, ac numinis penè explorata voluntate, ibant in praelium: fuisseq. in usu poëtis cognoscimus vetustissimis, nullum vt poëma inchoarent, Musarum non antè implorata ope, quas illi diuinitate donauerant: quo flagrare nos religionis ardore aequum fuerit, sapienter qui, non poëtice colimus, pro fictis octo Musis, expressa octo genera beatitatis & pro tribus Gratijs, tres insignes illas virtutes, Fidei annexam Spei, Charitatem? pro ridiculo Apolline, splendidissimum solem Christum, & lucem mundi, & inaccessam lucem incolentem, & candidissimo huic Phoebò, terrarum peragranti orbem, & collustranti, tum lucem perennem, tum calorem suppeditantem? quos, in summa, rectam fidem sequentes, discrepare, ne tenuissimis in rebus quidem ab optimis conueniat, & sanctissimis cogitationibus? hoc intellecto & stabilitò, erit illud principio arctissime tenendum; nobis, non ea modò amplectenda, constantissimeq. tum credenda, tum verò etiam

defendenda; quæ credit, docet, tradit illustrata diuinitus
& erudita Romana Ecclesia, reliquarum omnium prin-
ceps: verum, cum quoque dies noctesq. perfoluendum
humani generis procreatori Deo cultum, qui potest no-
strarum proficisci ex mentium penetralibus, purissimus,
castissimus, innocentissimus. hoc pueris præceptum est,
hoc viris, hoc senibus. nemo non valet diuinas laudes;
diuina beneficia meminisse, recolere, celebrare: nulla Dei
regno imbecilla aetas. neque non ideo vehementer
est formidandum, ne caelestis in nos ira grauius propte-
rea concitetur, si quid negligentius in hac re forsitan com-
missum fuerit, aut prætermisum à nobis: quandoqui-
dem adepti multa iam pridem sumus ob eam causam, &
cœnobita, & prædia, & commoda non mediocria vitæ
lautioris. hic esse nostræ debet gloriæ campus: hinc li-
cet sibi quisque conficiat, ut vult, declamationes, enco-
mîa, panegyricos. ad hanc quidem egregiam operam ac-
cendere nos multa debent, atque ad eam impellere: in pri-
mis autem scriptorum excellentia & maiestas diuino-
rum. est ne, quæso, antiquissimis è regum, populo-
rumve monumentis res gestas proferre in apertum, tam
celebres, amplas, magnificas; quàm, quæ sacris in libris
nostrorum traduntur? explicantur? comprehensæ sunt?
in illis, omnia redolent superbiam, inuidiam, fraudes, im-
piorum: in his, nihil non amabile, sincerum, tempera-
tum, religiosum. illa, cum virtute coniuncta vitia non ra-
rò docent: hæc, & veras virtutes tradunt, & absterrent
à minimis etiam leuissimisq. erratis. illa, semel atque ite-
rum lecta afficiunt molestia lectorem: nostra, longè se-
cus; quò sæpius, quò attentius legis; hoc audius legis,
hoc iucundius legis, hoc maiore cum utilitate legis. quid
mirum autem è hæc, caelesti spiritu dictante, parata, in-
uenta, propagata: illa, humano ingenio, & eo plerunque
studio partium deprauato, coepta, perfecta, conscripta
sunt

sunt. quem igitur moueat Persarum illa collutiēs, cum
 Xerxe in Graeciam irrumpentium; qui animum conuer-
 tat suū parumper ad Moſen, innumerabilem Hebraeo-
 rum multitudinē mare inmenſum traiſcientem? nullis
 nauibus? nullo ponte? terreſtri itinere? iam, quorſum
 mihi à tenera ætate in Chriſtianam militiam recepto, Ro-
 manorum bella; tūm hic in Italia adminiſtrata fortiſſi-
 mē, tūm in Gallia, Hiſpania, Macedonia? quid portò
 ſacris initiato; quid Chriſtiano ſtamini, bellica inſtrumen-
 ta? ordines militares? deletæ vrbes fortunatiſſimæ? du-
 cti clariſſimi reges in triumpho? quantò noſtrorum au-
 tem coronæ ſunt Martyrum atque victoriæ præſtabi-
 liōres; certioresq. ad præmia, ad veram pacem, ad im-
 mortalitatem beatiſſimæ vitæ? placidiſſimæ quietis,
 ac ſempiternæ? hæc nimirum illa fuit victoria, quæ vi-
 cit hunc mundum & proſtigauit, fides noſtra: cum, iner-
 mibus armati ſuccubuerunt, cedentibus inſequentes, pri-
 uatis hominibus potentiſſimi Reges, ac Principes. Quo-
 rum excellentes virtutes planeq. admirabiles; & cæle-
 ſtes; itemq. nobiliſſima, necnon celeberrima præconia,
 cum mihi ſtatis horis proponat ad imitandum Chriſti Ec-
 cleſia, in ſingulos dies, cupidiſſima ſalutis meæ; quos
 ego alioſ quaerā Scipiones amplius, aut Marcellos, &
 Fabioſ? vel Annibales, & Alexandroſ? Quæ igitur ſunt
 Eccleſiæ, quæ religionis, quæ pietatis; ea ſi & auguſtè
 veneremur, & ſtudioſiſſimè obeamus alacri laetoq. ani-
 mo; in eam ſpem certam proſuſq. exploratam adducor,
 vt, quo ſtatu maximè vellemus eſſe res noſtras, eodem
 conſeruentur in infinitam poſteritatem: ne vlllo tem-
 pore quidquam ingreditur in hanc familiam, quod poſ-
 ſit conuellere veram fidem, aut etiam labefactare, ve-
 ramq. ſanctitatem. non ſolet Deus, quos domi ſuæ ob-
 ſeruat quotidie ſibi operam nauare, in poſtremis habe-
 re, non ſolet Deus; cuius auxilio certo, rerum natura

plus multò, nedum exigua familia, quàm humano consilio gubernatur. sit ergo P. integerrimi, nostris in ciuibus cura longè antiquissima, studium, scientia rerum superarum; vbi pax, vbi opes, vbi laetitia, vbi à philosophis tantopere exagitata, eaquẽ tam certa, quàm vera, & perfectã, faelicitas. Sed ita placet sacris precationibus vacare & adhaerescere, vt à voce, ac verbis nec animus aberret languens & enervatus, nec vita moresq. dissentiant. quocirca hominem bene doctum, & male moratum; & eruditum fatebor, & sapientem negabo: neq; Christi seruum arbitrabor eundem, & vitiorum mancipium. quis enim, viam, qua in caelum ascenditur, nosse; non in ea pedem ponere, sapientis duxit? nec vero, si milites perfuncti laboribus iustam vacationem habent à bello: ita qui se à pueritia mundi opifici Deo manciparunt, cum, ætate sunt deuexa ad otium & præcipitata, subterfugere militiam debent, cui nomen dederunt: quin immo, remis, vt dicitur, velisq. contendendum cuique fuerit, omniq. ratione connitendum, vt delectatio quasi vsus induat, vsus habitum, iste naturam: ne, pulchrè coepisse, & in incoepto non permansisse conuincatur. quis virginem in pictura laudet, magna præditam dignitate, desinentem in piscem? exploderetur, & meritiissimò, ille profecto athleta, conuictio totius theatri; qui, nullo se in certamine cum exercuisset, nullos exantlasset labores, numquam in solem processisset; tamen coronari vellet; citra puluerem, citra sudorem: an verò studia leuiora ardua erunt, indiguerint quotidiana exercitatione; non patiatur vim magnam regnum caelorum? non antè quisquam, clarissima voce dico; hoc duce; his hostibus; pugnandi, excubandi, militandi finem facit, quàm spiritum exhalarit: quæ enim victoria caret metu? quando non illi sunt ad nocendum paratissimi? quod autem fuit tempus, post conditum hominum genus, cum,

temperantiam non pulsaret luxuria? sui contemptionem
ambitio? patientiam offensiones? bonitatem malitia ge-
neratim? itaque vna hora, momentoq. prorsus eodem,
& vitam, & castra deferimus. quod cum ita sit, P. C.
dum bellum est, dum sumus in armis, nouis indies prae-
sidijs, ijsq. firmissimis, & gladijs, & vigilijs communia-
mus mentis arcem & conscientiae: caueamusq. in bello
tam periculoso, diuturno, insidioso praesertim, ne quan-
do nos imparatos aut imperator offendat, aut hostis ado-
riatur. acerbum hoc omnino videatur & laboriosum de-
licatis hominibus, ac perdifficile; in vino & culcitra cac-
lum quaerentibus: facillimum idem & iucundissimum
eis tamen, leges qui nostras optimas & salutare maxime
conseruarint. Quarum si auctoritate, si praescripto, si
imperio regitur honestissima haec virorum societas an-
nis ferè ducentis: cum lex nihil aliud sit, quàm mutus
magistratus; ipse autem vicissim magistratus, lex voce
praedita & loquens; nemini, opinor, relinquitur dubium;
quin hae partes, haec prouincia hominis eius futura sit
praecipuè, cui apud nos mandatus erit annuis comitijs
altissimus & amplissimus honoris gradus. de quo tempus
iam postulare videtur, vt dicam. Versatur ille profectò
difficili scopulosoq. loco, eo siquidem statu rationes eius
sitaè sunt & fortunae, vbi, neque remissus esse honestè
possit, nec seuerus sine periculo: vbi, comitas aperta est,
inuidia occulta: vbi, veritas infrequens, assentatio fami-
liaris. ac si gubernandi molestias, pericula, difficultatem,
in se descendentes mortales contemplarentur intentis
oculis; nihil fortasse cuperent minus: cuperent dixi?
immo exhorrescerent nihil, existimo, aut refugerent ma-
gis, quàm regere, quàm imperare. quid est enim regnum
ipsum, per Deum immortalem, nisi splendida quaedam
seruitus? equidem viuit, quod sciam, nemo vsque adeò ini-
micus otij, ita ingenio auerso à consensu naturae, à com-
muni



muni animantium instinctu, quem non vitae securitas de-
lectet; quies interdum; pax; tranquillitas mentis. om-
nes namque & fugimus sollicitudines; & bene audire cu-
pimus, & laeti viuere, & latere nostra vitia, nostras labe-
domestica vulnera. quorum si ne umbram quidem om-
nium dixerò, in amplo magistratu reperiri, esse posse; ve-
rendum, credo, mihi erit, ne non statim fidem inueniat
oratio mea: à quo enim potest eius animus, vita, cogita-
tio, abesse metui, periculo; angore; cui onus incumbat
vni molestissimum circumspiciendi reip. singulas partes?
qui sit futurus magna & copiosa in familia, omnis homo?
qui ea cura perpetua vrgeatur, vt praesentibus insistas,
futura prouideat; colat aequitatem; innocentiam defen-
dat; prospiciat alijs; consulat sibi; anteponat, & donis, &
amicis, & verborum terroribus, legum sacrosanctam ma-
iestatem? quas illè principio commendatissimas habebit,
qui amplissimè dominabitur; si hoc sibi proposuerit (de-
bet quidem certè) vt ciues sui sint quàm beatissimi: quae
eius ne incidatur sanctissima deliberatio, deuinciet se pri-
us ipsum, propeq. constrinxerit seuerissima lege conti-
nentiae, officij, charitatis, mansuetudinis. ferunt homi-
nes nihil acerbius, nihil peius oderunt, aut apertius,
quàm, alienos mores corrigentem eum, qui humano mo-
do ipse transfiliat lineas; qui numquam ipsemet sibi prae-
ciderit istam licentiam libertatemq. viuendi. nam, rectè
facere ciues suos Princeps optimus, faciendo docet;
cumq. imperio sit maximus, longè tamen esse potentior
exemplo; & excellentior debet. Hi sunt illi videlicet po-
pulorum pastores, quos graeci etiam poëtae indicauerunt
suis carminibus; quamuis obscurè; clarissimè autem &
apertissimè oracula sacra nobis & vaticinia prodiderunt;
hos voluit Deus singulis aetatibus, hos quaesivit, partim
in veteri lege, per prophetas, tamquam per legatos; par-
tim in euangelio; per apostolos primum, ac deinde per
alios

alios veros & graues nuncios consiliorum suorum, atque interpretes. tales dominationis suae vicarios, & aemulatores, & amauit, & requisit quouis tempore, & instruxit hominum sator & parens; qui dissipata colligerent, consumpta replerent, deprauata restituerent, confusa in ordinem adducerent; qui, de alio interrogati, de caepris non responderent; qui colerent virtutem, bonos ornarent, facerent plurimi; rapacium & perditorum reprimerent impetus, frangerent audaciam: non quos illustris gratia, quos honoris ventus, quos popularis aura dementasset; ac multò eos minus, qui pecunijs conficiendis incubarent, qui publicam rem priuatum patrimonium ducerent; eamq. pertenuem expilarent, labantem concuterent, cruentam & ex sanguinem dilacerarent. ò duram gerendae potestatis conditionem: ò mortalium vitam pariter calamitosam: qui, si pareant, serui; si imperent, sint infelices. sed mihi esse properandum intelligo: quae superant pauca videamus. Atenim quoniam hanc accepimus à maioribus vitae ita constitutam communitatem, vt, non vni eam commiserint, sed pluribus; dabit operam strenuè is qui ad puppim conscenderit, ne sui sint dissimiles illi, quos ei vos dederitis vestris suffragijs, honoris adiutores, suorumq. participes consiliorum & administratos. Actum demum hi nostri Quinqueuiri, eodem incitati, pariq. ardore charitatis, suas ad cogitationes Deum cum adhibuerint, rem còmunem communi studio, communi amore defendent. nullas putabunt firmiores opes, maiorem potentiam recta conscientia, summaq. obseruatione legumstrarum. vt enim vita hominum sanguine continetur per totum corpus distributo, seseq. diffundente; sic ciuitates, populi, resp. legibus consistunt, vnicuique personae, tempori, negotio accommodatis. quapropter hoc initio prouidebunt, vt impositae nobis leges, magno in honore sint. quas qui grauius violarint, easve ad

Car. Oesual.
Card. de Ru
uerg.

euertendas quasi machinas compararint, sentiant, esse hoc in confesso Patrum, seueros magistratus; sentiant, quamuis omnis malus sit paena sibi, esse paratas paenas iustas & debitas otio, insolentiae, improbitati; sentiant, in ignauos, in profigatos, in hostes pacis seuerè & acerbè vindicari. at inimicitias suscipiam multorum, nec inuidiam sustinebo. Christianam qui fortitudinem perdidicerint, ita se gerent, ita se tractabunt in magistratu, ut consuescant, ciues alijs infensos coercere, sibi iratos contemnere. cognoscant vero aequè viri boni, ipsiq; corporibus praesentes & animis, nostri patròni, nostri clypei; bonae rationi, & constanti, & graui aliquem à vobis fructum esse propositum; tulisseq; hanc familiam saepe antea homines, atque etiam nunc ferre, plus veritatis amantes, quàm patriae; carius honestam sententiam, quàm inueteratam amicitiam aestimantes. his in rebus, studijs, occupationibus quandiu modum tenebimus, tandiu remp. tenebimus, tandiu Christiana pace perfruemur; quam hic mundus nunquam dedit, quia nunquam habuit; tandiu viuemus veteribus institutis, nec onerabimus hoc nostrum nouis legibus collegium, sed virtutibus augebimus, & hominum copia letissimorum. Quò mihi tot leges? tam multa edicta? quid habent vtilitatis verò acerui decretorum, si ipse voluerit habere vim legis magistratus? multum vidit Plato, cum ita scripsit; breui cam ciuitatem perituram, in qua iuberet magistratus, leges obtemperarent. illud modo stet nobis, P. ornatissimi, nec moueatur, leges ut nostrae Romanis à Pontificibus confirmatae retineant auctoritatem suam. illa tum continuò prima sit lex; haec obseruetur, custodiatur, in fronte denique sit inscripta magistratus & Principis, ne quid ipse faciat per avaritiam, ne quid per ambitionem, ne quid per occultum odium; nihil astutè moliat, nihil superbè, nihil fraudulenter: ne sibi muniat viam ad inuidiosam poten-

potentiam, ne deferat communes rationes, ne priuatas iniurias persequatur. Non ista quidem cadunt in quenquam è nostris; sed à me eò dicuntur, ne se in futurum insinuent in animos Patrum, ad charitatem cruditos, ad prudentiam, ad exercitationem vitæ cælestis; ne cui aditus aperiatur grauiori vitio in hac familia: id enim agitur, id quaeritur, quidquid abhorret à regula virtutis, id patria ne suscipiat. atqui, patriam meam, hanc numero; huius me patrio iure & more ciuem profiteor, anni sunt ipsi vnus & triginta: sed multi labuntur errore, neque adhuc videntur satis, germana quæ sit patria, didicisse. diligimus patriam, dicunt: optimè. defendimus: honesta oratio. sed quam, amabo, hic patriam intelligimus? cuiusque ne locum nascendi ac sedem? si hoc volunt, & ego consentio. quid enim dulcius amore patriæ, natali solo? paruam insulam, Ithacam, & ignobilem, Vlysses ponebat ante immortalitatem. cur? quia patria erat, quia lar familiaris, terra parens: pleni sunt libri, referta historia exemplis, de amore, de charitate patriæ: dulce, inquit summus poëta, & decorum est, pro patria mori: sed non sumus in eo; neque nunc pugnatur pro aris & focis. omnia sunt in Italia tuta, pacata, tranquilla, SIXTUS V. præstantissima sapientia, sapientissimo consilio: nihil timetur foris, nullus est Annibal ad portas, in præsentia. patria, ista, nostra est, quæ nos aluit, educauit, texit, multisq. ac magnis bonis cumulauit: etsi, quid nos de patria, peregrinè veruntamen (quoniam hoc verbo magnopere delectamur) nostram ego hanc altricem agnosco, qua continemur, in qua viuimus, cuius benignitate sustentamur. eius Gregorius XII. iecit fundamenta: iunxit Rhenanis Martinus V. Columna; is, qui vnus à Christo nato, Constantiensi in Concilio, Pont. Maxi. est creatus à patribus: his gaudet illa primordijs: his initijs hoc tantum aedificium excitatum est: hæc ostentat identem

Gregorius,
à greco,
μεγαλὴν, vi
gilare.

dem argumenta duo & signa grauissima stabilitatis, columnam, & vigilantiam. eam diuersis temporibus plerique deinde auxerunt subsecuti Pontifices. sed viri maxime illam de Ruuere adiuuerunt, & saepe alias insigniter, & in proximo, iactatam in alto fluctibus, atque periclitantem; quam, & olim eandem tutela continuata, ab inopia in copiam, ab infima fortuna in excellentem, ex humili obscuroq. loco, in excelsum & clarissimum transtulerunt. quid multa? nihil est boni, nihil exquisiti, quod illi non ab initio nobis voluerint, cogitarent, effecerint. Te nunc alloquor Sixte III. vnde ad nos octo monasteria, eaq. honestissima paucis annis emanarunt. Te cinis, te iterum sanctissime cinis voco potissimum, voce quanta possum maxima, vosq. ossa nominatim Iulij II. quae hoc ipso in sepulcro condita iacetis religiosissimo, certissimi testes atque sempiterni, inauditi amoris in nos eius viri, eius diuini Pontificis, qui parum se de his Canonici laborasse praesentem arbitrabatur, nisi eos ipsos etiam proficiscens honorasset, absens protexisset, mortuus illustrasset. quem si propterea diuinitus meritum de hoc Ordine, quoties caelum suspicimus, quoties hunc spiritum ducimus; gratis lacrymis Deo toties commendaremus; non modo non satis meritis faceremus innumerabilibus in amore constantissimi hominis, natiq. ad singularem quandam beneficentiam: ne digitos quidem, vt dicitur, ad eius fontes beneficiorum intenderemus. quod si ambo isti Pont. quantum in alios omnes de bonis Ecclesiae deriuarunt, suam tantundem priuatim in familiam conuertissent; haud essent in Vrbe, reor, hoc tempore, eorum sanguine creati praeclarissimi viri, hospites iam pridem domi suae: quod aduertere iudicij fuerit, dolere pietatis, meliora precari beneuolentiae. Hanc igitur si cuncti veram patriam aequè diligeremus, si ex animo, si verissimè, si more maiorum saluam desideraremus, florentem

rentem & fortunatam: nec tam cito ipsa continentibus
incommodis debilitata consenuisset; & is, quem libenter
nomino, SIXTUS V. Pont. Max. & ante cum Pius V. ma-
iora in dies in illam ornamenta congestissent: de caeteris
quid prohibet idem existimare? atque ita, quisquis re-
xisset Ecclesiam, nostris adnitentibus propugnatoribus,
multi haecenus ex hoc collegio, publicis honoribus, ipsa
florente rep. floruissent: haec, inquam, liberalis parens;
nos quae rudes, pueros, inutiles excepit, vestiuit, suo
gremio complexuq. fouit; firmos nunc & robustos, fir-
mata stirpe virtutis, ingemiscens quodam modo orat
suppliciter, ne se destituamus, ne antiquam imaginem
eius immutemus, ne senem iam & afflictam orbemus au-
xilium nostro; cui nosmet debemus, nostraq. vniuersa, la-
bores, fructus, praemia, voluntates. ac nisi apud nos,
infirma, nisi per nos auctoritatem suam, hoc anno, his
diebus, vel salutem potius recuperarit; quid est praete-
rea quod sollicita, quod penè desperata confugiat? huius
ergo tuendae & stabiliendae gratia, quae nobis non fuerit
ineunda ratio? cui non ferro & morti obijciendum caput?
quem pudebit, cum bonis coire, non modo fortunarum,
verum etiam periculi societatem? hic explicandae vires
erunt ingenij, hic hostibus resistendum, hoc loco pruden-
tiae, eruditionisq. copiae omnes educendae, instruendae,
in aciem dirigendae sunt, saluam & liberam eam vt con-
seruemus: quam, turpissimi sint, qui perturbent; amen-
tissimi, qui oppugnent; ingratiissimi, qui relinquunt. sed
redeo vnde abieram, non desunt nostris temporibus le-
ges, desunt mores: neq. adeò multis decretis indigemus,
sed praeclaris exemplis; ijsq. non vetustis, sed recenti-
bus; non alienis, & de historia sumptis, sed domesticis, no-
stris, & intimis; non fictis postremo & commentitijs, sed
viuis atq; praesentibus. Non aliunde vnquam, mihi mihi
credite, ordinandae duxerunt peritissimi quiq; exordiū

Reip.

Reip. quàm à moderatore illius & custode : huic primas ,
huic secundas, huic tertias concesserunt. quid? referre ad
statum quantum censetis conseruandum ciuitatis, Principi
vitam & exemplar ; cum Lycurgus vir sapientiae glo-
ria excellens, voluntario exsilio suo, suam fore immorta-
lem Lacedaemonen patriam iudicauit? Amiserant Galli-
co tumultu Romani Urbem. ipsi Capitolium vix tene-
bant. ibi se aegrè sustentabant: ibi spes residebat omnis,
quae supererat exigua salutis, & libertatis. sed videte
constantiam. quamuis fame conficerentur, quamuis ex-
trema fortuna itarent, quamuis remp. desperassent; ta-
men arce retenta vna capitolina, facile Urbem quoque
postea, & imperium receperunt. conferte nunc, si libet,
rem cum re, bellum cum pace, militarem administratio-
nem cum urbana, & ea perpetua: haud secus restituerint
collapsam morum disciplinam in integrum, qui principa-
tum tulerint, si eorum constiterit in omni publico mu-
nere integritas, animusq. defixus in patriae charitate, a-
mor enim acuit ingenium, memoriam exsuscitat, volun-
tatem facit alacriorem: quid? pisces non à capite putre-
scunt? non est, non est in ciuitate malum, quod non fa-
ciat dominus: habuitque passim veritatem hoc dictum;
plura publicis rebus detrimenta gubernatores earum,
quàm priuatos homines quoslibet, vel perditissimos,
importasse. Sint ergo ij qui auctoritate praestiterint, so-
luti à cupiditatibus, liberi à delictis, quoad eius fieri po-
test. quos ipsos praeterea si temperati mores religiosiq.
commendabunt, & perferentes iniuriarum, quae talium
erit virorum elegantia vitae? qua vultus laetitia commit-
tent se in conspectum ciulum suorum? quàm explicata fa-
cie aspicient optimum quenque? quot illi animos miti-
gabunt? quàm multa iam mala depulerint? occulta sana-
uerint? nascentia oppresserint? diuulgata sustulerint?
Deus immortalis, homo homini quantum praestat. ipsi
etiam

etiam illi (iuuat ita credere) qui lucem oderunt fulgo-
remq. virtutis, inuidia suffusi homines allicientur ad be-
neuolentiam. habebunt namque in cognoscendis causis
personarum rationem, habebunt iustitiae, habebunt hu-
manitatis: cumq. legis virtus sit, iubere, vetare, permit-
tere, punire, amabunt in singulis quàm moderationem,
quàm decòrum. iam si adhuc eis artibus instituti & disci-
plinis apparebunt, vt, cum de literis inciderit sermo;
non haereant, non rubeant, non auerfentur: tum pro-
fectò licebit & summis, & infimis, de talibus viris prae-
stantissima quaeque sibi & optatissima polliceri. O nos
tum autem felices semel iterum atque saepius, cum hu-
iuscemodi magistros bene viuendi, & auctores praeceun-
tes conspiciemus: cum nihil praeceptores docebunt,
quod non fecerint; nihil fecerint, quod non & docere
liberè audeant, & praedicare: cum aeternitatis viam or-
dine, vestigijs, & digitis; non praeposterè demonstra-
bunt. in magistratu illi quidem erunt; tamen eos non au-
dierit vt magistratus quisque nostrum, sed quasi carissi-
mos & clarissimos patres; ac tanquam aliquos è caelo
demissos homines salutare coluerit, & obseruarit. qua-
les, ita viuam, qui vellet pingere suis coloribus, suis li-
neamentis, iustissimè sibi hos proponeret honoratos
modestissimosq. viros, Patres nostros. enimvero pue-
ritiam ad pietatem instituent, quod faciunt, ad pudorem,
ad taciturnitatem, ad adolescentiam honestis occupationi-
bus, frugalitate, vigilijs, rectissimis literarum studijs, à
languore, à vino, à desidia, à flagitijs vindicabunt. qua
in exercitatione laudabitur interim illa varietas, si, cum
latinè graeceq. sciant omnes; hic tamen praeceptis abun-
det institutisq. philosophiae, ille dicendi elegantia & co-
pia excellat; quiq. magnos habuerit progressus in iure
pontificio, superari se ab alio patiaturs libenti animo, re-
rum in explicatione caelestium: vt quaesita videatur in
re do-

re domestica temperantiae laus; in publica dignitatis.
omnino, aut ita faciendum est, aut ingenij fama abijcienda. at hoc displicet, quia turpe, quia sordidum, quia periculosum. igitur illud tueamur tutum, & honorificum; nostris vt plurimis & varijs ornati prodeamus in lucem: id quod per hos dies gloriosè factum animaduertimus. quid? in naui idem ne curant omnes? nihil minus. hic clauum tenet, ille contrahit vela, alius anchoram iacit, equidem; si nulli Romae opifices, praeter sutores, aut textores reperirentur; omnes, arbitror, hanc urbem sibi relinquendam putarent. haec si sensero, si videro venire in consuetudinem, quae tamèn magna ex parte sunt in nostris bonis; tum verò iustam proponere mihi remp. incipiam, quaeq. iam suis queat viribus, cum maximis & nobilissimis, de virtute, de doctrina, de honore contendere. pergamus ad reliqua. Viris viros praeficient. quos istos? nostratem ne qualemcunque naturae voluntatiq. nostrae obsequentem? an alium, constanter partem nostram & causam defendentem, aliquem? multis è ciuibz probatos, ex probatis meliores & aptiores multitudinis rationibus. quid? nos, cum nauigamus, charissimis vtimur gubernatoribus, an scientissimis? nemo iustius praecipit aut rectius eo, qui diutissime obtemperauit, si paria sint caetera. nam, & qui bene imperat, paruerit aliquando oportet; & qui modeste paret, videtur, qui aliquando imperare debeat, dignus esse. non solent magni duces robur exercitus tyrõibus committere, praeteritis veteranis. quid ita? quia nemo rectè iudicat quod ignorat. eos perducent igitur ad honores, corroborata iam partim qui sunt firmaq. aetate, partim etiam prouecta & ingrauescente. nam, tum in primis homines iudicio valent, memoria valent, consilio valent, vsu rerum valent; nimirum & vitae integritate valent, illi aestus motusq. animorum cum deserbuerunt concitatiores, quibus

bus vehementissimis rapiuntur atque turbulentissimis adol-
lescentes. adde, quod (id vero familiam ducit) mortis
propinquae metu, de relinquenda vitae dulcedine cogi-
tare necesse habent, de referendis rationibus, de suspen-
sa expectatione futurae conditionis. haec leuia videntur
& ludicra florenti aetati, ac penè ridicula: vel certè dif-
ferenda in longinquum tempus; puta in aduentum sene-
ctutis. horum illa nihil metuit, nihil cogitat, nihil labo-
rat: quae sanos homines admodum conturbant, acriter
secum diuq. ac multum reputantes, quid nam sibi, quid
tandem futurum sit, extremis rerum suarum temporibus.
quod utinam ista subiret moriendi salutaris recordatio,
singulis minimùm diebus, cuiusque mentem: exstingue-
rent homines, exstinguerent paruo negotio, quibus fla-
grant vitiorum ardentes & funestas faces; quas inanis
laus ministrat, quas auaritia, quas libido. neque illi pro-
pulsarent iniurias, sed Christo illatas gaudentes condo-
narent, veteri more Apostolorum, notissimas & indignis-
simas: concideret simulatio, veritas respiraret: charitas
in gratia esset, in odio perfidia. quid odia? deponerent,
non saturarent. cedò, quid voluptates? his quidem pe-
dissequis virtutum, non dominis vterentur. itaque, dum
caelesti neglecto, voluptarium nobis quoddam hic re-
gnum ipsi confingimus; ne utroque tandem exuamur,
venit in mentem grauius extimescere. Nunc senectutem
intueamur: incommodum hospitium vero, atque odio-
sum humanae peregrinationis; vel diutinae verius infae-
licitatis, mea quidem sententia, luctuosum simulacrum.
qui enim locus praecipue videbatur quietem poscere &
otium, in eo quot clamores excitari solent? quot saeuis-
simae tempestates? quàm multae, & miserandae tragoe-
diae? ac proinde, quasi diuinarent nostrae voluntates
venturum malum, sic, pugnantes inter se, & senescere
nos optarent numquam, & longissimè tamen vitam pro-
C ducere.

ducere. quid dicam, viri honestissimi, aut quid agam? deplem ne communem conditionem? augebo dolorem sine vlla spe. an statuam ante oculos vobis aetatis huius mala? at ipsi videtis miseriam. num remedia & consolationem adhibeam? vos pro vestra prudentia, quid factu opus sit, melius tenetis, vel potius optime omnium. vnum hoc attingam: quae de patientia, quae de misericordia, quae de mutuo amore, quae de charitate Christiana diceret homo eloquentissimus, paratusque multò idem antè ac meditatus; ea hunc in locum vniuersa conuenire. Ergo agite, ornatissimi P. respicite vltimum tempus: misere mini senectutis, mox futuri senes. extrema aetas, satis per se miserabilis, plena horroris, plena formidinis & suspicionis; ne irrideatur, ne in squalore sit, ne in solitudine, ne in sordibus, prouidete. Verum quid ago? non potest infinita rerum sylua breui orationis gyro concludi. vos, Patres, oro, quoniam principem creari, quàm nasci tantopere praestat, ideo quòd nascendi sit incerta ratio; deligendi libera & constans voluntas: vos, inquam, oro integerrimi P. & obtestor, quorum patet latissimè potestas, per fidem vestram atque famam, quam scio vobis vita esse ipsa potior, incumbite diligenter in remp. & serio, cui nati, cui desponsi estis: eam vos totam in hac causa, his in comitijs tenetis, vos gubernatis. senectam fouete, regite iuuentutem, pueritiam erudite de continentia, de animi demissione, de mutuis officijs, de comprimenda lingua sit contentio, sit certamen inter nos, de ratione bene moriendi, de vita beata; de ingenuis artibus. sed virtutes, recordemur, sudore illas quidem scilicet; at non sudore tantum comparari, speque laudis. male, hercule, pugnaretur, auditores, si praeter tubam & gloriam, aliud milites nihil inflammaret ad pugnam. quare, vigeant humanitate vestra literae, colantur, florescant, sint in pretio: magnam auem amplus nidus.

nidus . redeat eodem itinere **Canonicorum** illa peruenis
disciplina atque praeclara, & reuiuifcat memoria om-
nium faeculorum . si dialectici sumus, **Chriftum**, qui ve-
ra est via & veritas, perueftigemus . si philofophi, veram
philofophiam exerceamus, in mortis commentatione
multi fimus . si theologi, res diuinas imitatione perfcute-
mur, nempe ita viuendi cauffa; non fcienti, & difputandi
tantum : malis bona, bonis meliora praeferamus : volup-
tatibus, viro, nedum Chriftiano indignis repudiatis, ad
vltimum bonum, ad aeternas delicias, ad beatorum coe-
tum, ad Chriftum ipfum contendamus, in quo funt om-
nium fingula, & omnia fingulorum . is, quia veritas eft,
non errat; quia bonitas, non fallit; quia virtus, omnia
potest; quia charitas, omnia dabit . In eum cafum dedu-
cti eftis Patres, vt omnis exiftimationis veftræ ftatus
praefenti horum comitiorum exitu contineatur . quo-
rum fi iudicio, fi opinioni congruerint quae reftabunt;
nonne fine metu cum honeftate viuetis? & in fummo eri-
tis amore, fummo cum imperio? & nouo quodam gene-
re admirabilem in gloriam venietis? Nec vero fum ne-
fcius, homines, nullo tempore defuiffe, exultantes & fe-
roces, qui cuniculos agerent, qui pudoris claustra, qui
officij perfringerent . fed iftorum tamen non erit difficile,
vel fermones retundere, vel fpiritus flectere, vel conatus
cohibere . quomodo probas? quia robustis lacertis qui
fit & valentibus, is facile manus contorquet & digitos in
quamuis partem . quid? vnus paena, quam faepe, quam
multi fanati funt? illud eft caput, in eo tota vertitur cau-
fa, hoc fixo & ftatuto, eodem caetera inclinabunt: fi, qui
alijs praefuerint, Deum curabunt, Deum timebunt, ni-
hil praeterea; ijdemq. ipfi traditae quibus fuerint habe-
nae, eas nimium neque remiferint, neque adduxerint .
omnino quatuor funt, iudicio meo, quae praecipites fe-
rant principes, & magiftratus; nimia potentia, rerum co-

pia, improbi amici, satellites perniciosi. quid enim? illa quorum sunt venenata & pestifera; si libet, licet? non haec, quae so, P. C. voces nunc primùm exaudiantur odiosissimae, & molestissimae in hac familia, quam viri prudentissimi nostri maiores, virtutis sedem, pietatis sacrarium, bonorum omnium esse domicilium voluerunt. Quae cum ita sint, facite, subductis rationibus, versemini in ea meditatione; quid splendor hic vester & grauitas requirat, quid hic motus temporum poscat, quid sit reliquae vitae superiori vestrae consentaneum, quò denique, sera numinis vindicta progrediatur. cum haec sunt videnda, tum vero illud magni est hominis, P. & futura iudicio praecipientis, voluere cum animo suo rerum vicissitudinem humanarum, praestantiumq. virorum ancipites casus reducere in memoriam, & varios, & repentinos, & graues; alienisq. malis; alienis miserijs quotidie fieri doctiorem, quod est aliqua in parte numerandum faelicitatis: tum proximè cogitare, nihil stabile re vera, vtile, gloriosum dici posse, nisi vnde pateat iter, vnde sit ascensus ad caelestem ciuitatem, ad piorum concilium: reliqua orta occidere, labi, euanescere omnia non aliter, ac magnam quandam nubem, nunc lucem soli eripientem, mox extenuatam è conspectu sese nostro sensim auferentem. Haec si collegeritis, si proferetis, si dabit is item in reliquum vestris ciuibus, municipibus vestris; ea dabit is, ea docebit is, quae sunt hominum sensibus mirificè accomodata, salutem, concordiam, dignitatem. Id quidem debemus summo Pont. iam pridem: id illi tam gratum futurum est, quàm quod gratissimum. qui, vt se totum contulerit, ad Urbem & orbem instaurandum; ita est de hac priuatim familia anxius, ita sollicitus, ita nostri cupidus, amans, studiosus; quomodo si à nobis egressus, in illam supremam sedem pontificiam peruenisset. & verèbimur, eius ne auxilium, ne opem inuocemus frustra, ne clementiam? is, ne me
nobi-

nobilissimum velit; dubitabo, licet immerentem; cuius
ex ore verbum nullum exeat, nisi cum mea laude coniun-
ctum? cuius amoris, cuius paternae voluntatis exstent
vestigia recentia impressa, quo quo me vertam? qui, &
nomen Sixti III. retulerit, centum post annos, & bene-
uolentiam, & consuetudinem eandem bene merendi?
quid? hi nostri defensores, purpura fulgentes & sapien-
tia, an non ad ea paratissimi futuri sunt repellenda, quae
impendeant? quae timeantur? illi vero; sint quantum-
uis aspera, sint formidolosa: ita sunt nati, ita erga nos
animati. neque eos, per hoc tempus quidquam puto
cupere ardentius, nostrae huius societatis amplitudine,
& diuturnitate. quam ipsam quod vnice diligant, haec
esse iccirco statuerunt, vt mihi persuadeo, Romana comi-
tia, testimonium virtutis vestrae, honoris nostri; iudicij
vero, defensionis, patrocini, vigilantiae suae. quibus,
& praesentibus reliquis illustrissimis viris: tum caeteris
omnibus doctrina, nobilitate, ingenio, grauitate prae-
cellentibus, quorum in nos constant merita singularia,
quas referemus gratias? vel quas agemus, aut quando?
quo genere autem verborum? cum, ne habere tales qui-
dem possimus, quales maximè & volumus, & debemus,
mirificas & immortales? sed, qui alijs officiorum varie-
tate & numero antecellunt, ratione quadam nunc magis
exquisita & recondita praestantioris humanitatis, impe-
trabunt à se ipsis; vt, quod praestare factis non datur,
nec spe teneri; id nos, minime dubitanter credant, in-
flammatos cupiditate, multis iampridem votis, mensu-
ra cumulatissima reddidisse. Vos interea P. quid sedetis,
tantam nacti facultatem? quid exspectatis amplius? an
non plane iam cernitis, diuina simul, & humana praesi-
dia, nostram ad salutem omnia conspirasse? erigite ani-
mos P. patriae constantiam praestate, consulite paci,
succurrite libertati. virtus non est bonorum imminuta:
sunt,



sunt, quos non videtis, in eadem reliqui ciues voluntate. cuncta pubes, ordines vniuersi ad remp. excitandam hanc, conseruandamq. nostram, mente, voce, vultu consentiunt. Christo conseruatori haec ædificata nauicula est: iactari potest, fluctuare potest: interire, mergi, naufragium facere, ipso regente, non potest: Deum nemo amittit, nisi qui dimittit: quin, eo gubernante, his vigilantibus, vobis multum in posterum prospicientibus, & commota quae fuerant, vento resante, residebunt; &, reuersi antiquam in stationem virtutis & innocentiae, prouchemur in portum laeti deinceps, ex longa nauigatione, tutissimum & sanctissimum vitae stabilis, dulcissimae vitae, vitae vitalis. Perficite igitur bene considerata gerendi magistratus ratione, ornatissimi P. vt huius nominis ac familiae dignitas, olim apud maiores nostros quae fuit, innocentissimos viros, eximia; eadem his comitijs, etsi longo interuallo, reuocata esse, magna sanctitate religionis; atque retenta: tum vestra item postea, & spectata integritate, & excellenti sapientia, videatur.

Dixi.



ta-
am
on-
ula
au-
a-
gi-
&
&
ic,
ga-
si-
ra-
us
os
o-
ti-
&
.





